

**Saksframlegg**

Utval	Utvalssak	Møtedato
Formannskap/økonomiutval		30.01.2014

Åmotsdal idrettslag - Søknad om bidrag Berge Skileikanlegg**Saksutgreiing:**

Åmotsdal idrettslag søker om kr 50.000 i bidrag frå Seljord kommune for å kunne fortsette arbeidet med å fullføre den store satsinga med skileikanlegg på Berge i Åmotsdal.

Prosjektleiaren Gunnar Snarteland, i Åmotsdal idrettslag skriver i søknaden av 20. januar m.a. følgjande;

"Dei store trendane nå, som ungdom etterspør er skileik, slik som snowboard, twintip og frikjøring. Sjå X-games. I dag er området langs Bergevegen bruka som akebakke av ungar frå nærområdet og skuleklasser frå heile kommunen. For å møte dei nye trendane til ungane i bygda og ellers i kommunen, har me utvikla dette til eit skileikområdet og samlingsplass. Området i Bergevegen er av dei mest snosikre i sør Norge, det har vore skiforhald der sidan nov/des og pr i dag er det ca. 1,5 meter sno.

Fyrste byggetrinn i dette prosjektet er nå snart klart til bruk med 350mx 150m med 12kW-flomlyst skileikarena, med fleire store og små hopp og diverse element. Det er satt opp ei varmestoge i stavlaft(45m²) som er lett tilgjengeleg for alle frå kommunal veg med eigen parkering. Det skal vere sambruk med Åmotsdal barnehage som turmål(1 km)/Gapahuk/varmestoge. Det gjenstår imidlertid noko arbeid for at varmestoga kan takas i bruk. Legge golv, isolering, sette inn dør samt sikringskåp (el-installasjon), slik at med kan montere heisen og få den i drift etterpå."

Idrettslaget har fått nær 500.000 i tilskott frå Gjensidigestiftinga. I 2013 blei det løyvd kr 200.000 i spelemidlar og ÅIL har to spelemedsøknadar på 500.000 til handsaming i fylket, med avgjersle / løyving frå juni 2014, eller 2015.

Det er naudsynt med fortsatt nokon investeringar nå for å få så godt anlegg som mogleg for denne sesongen.

Vurdering

Eit skileikanlegg er ikkje særleg operativt før heisen er på plass, med straum, heishus etc. Spesielt på snorike områder som Åmotsdal. Det er også nå det er moment i utbygginga av dette fantastisk skileikanlegget i Åmotsdal.

Åmotsdal idrettslag er eit aktivt idrettslag med om lag 110 medlemmar. Dei har teke på seg ein stor jobb med å få til skileikanlegg på Berge. Å byggje eit slik anlegg i ei bygd med mykje sno vil gjere at born, unge og ungevaksne vil få ein ny attraktiv arena å borte seg i, slik at dei treffast, trivst og er positivt aktive ute.

Rådmannen er av den oppfatninga at det å bruke næringsfond til denne typen investeringar kan vera utanfor formålet med næringsutvikling. Det er budsjettert med få frie midlar på driftsbudsjettet innanfor idrett, kultur og folkehelse.

Rådmannen si tilråding:

Rådmannen rår Formannskapet løyve kr 35.000 til dette svært gode tiltaket i Åmotsdal. Løyving av driftsbudsjettet PO 440 idrett og folkehelse.

Utskrift til: ÅIL, Gunnar Snarteland